

CONVENIO DE COLABORACIÓN ENTRE A AXENCIA GALEGA DE INNOVACIÓN (GAIN), INSTITUTO GALEGO DE PROMOCIÓN ECONÓMICA (IGAPE), SOCIEDADE XESTORA DE ENTIDADES DE INVERSIÓN DE TIPO PECHADO, S.A.U. (XESGALICIA), A FUNDACIÓN CEL INICIATIVAS POR LUGO, O CENTRO TECNOLÓXICO DE AUTOMOCIÓN DE GALICIA (CTAG), INDRA SISTEMAS, S.A. (INDRA) E BABCOCK MISSION CRITICAL SERVICES ESPAÑA, S.A. (BABCOCK); PARA A POSTA EN MARCHA DA AERONAUTICS BUSINESS FACTORY- ABF

MEMORIA XUSTIFICATIVA

Patricia Argerey Vilar, directora da Axencia Galega de Innovación, da Consellería de Economía, Emprego e Industria, **DECLARA:**

1. Que a Axencia Galega de Innovación formalizou co *INSTITUTO GALEGO DE PROMOCIÓN ECONÓMICA (IGAPE), SOCIEDADE XESTORA DE ENTIDADES DE INVERSIÓN DE TIPO PECHADO, S.A.U. (XESGALICIA), A FUNDACIÓN CEL INICIATIVAS POR LUGO, O CENTRO TECNOLÓXICO DE AUTOMOCIÓN DE GALICIA (CTAG), INDRA SISTEMAS, S.A. (INDRA) E BABCOCK MISSION CRITICAL SERVICES ESPAÑA, S.A. (BABCOCK)*; o instrumento convencional arriba referido por un período de vixencia que abrangue dende o 3 de outubro de 2018 ata o 31 de decembro de 2021.

2. Que o instrumento convencional ten por obxecto sentar as bases de colaboración entre as partes para a posta en marcha e o desenvolvemento da Aeronautics Business Factory (en diante, ABF), unha iniciativa de carácter vertical orientada a promover a creación e aceleración de empresas innovadoras na cadea de valor do sector aeroespacial de Galicia, que capten atraian e reteñan talento e que contribúan a fortalecer o posicionamento do sector e a incrementar a súa proxección internacional.

3. Que o instrumento convencional que se pretende asinar se fundamenta no seguinte:

I. Que GAIN é unha axencia pública autonómica adscrita á Consellería de Economía, Emprego e Industria, creada polo Decreto 50/2012, do 12 de xaneiro, ao amparo da autorización prevista na disposición adicional segunda da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que, de acordo cos seus estatutos, ten como finalidade fomentar e vertebrar as políticas de innovación nas administracións públicas galegas e o apoio e impulso do crecemento e da competitividade das empresas galegas, a través da implementación de estratexias de innovación eficientes.

Para a consecución dos seus obxectivos, GAIN, de acordo co artigo 10 dos seus Estatutos, poderá colaborar con outras administracións públicas, no ámbito das súas respectivas competencias e funcións, e con entes do sector privado, a través dos correspondientes convenios de colaboración.



II. Que o IGAPE é o ente de dereito público, adscrito á Consellería de Economía, Emprego e Industria, para o desenvolvemento económico de Galicia. A misión do Igape é a de apoiar todas as actividades que contribúan a mellorar o sistema produtivo galego, facilitando os procesos de creación, consolidación e crecemento empresarial.

Entre as empresas participadas polo Igape atópase XESGALICIA, a cal é unha empresa pública, que desde o ano 1999 financia o desenvolvemento empresarial mediante participacións temporais e minoritarias no capital social das empresas, outorgando, como complemento, préstamos participativos ou préstamos comúns a longo prazo a empresas participadas, realizándoo a través da xestión e administración de diferentes e específicos Fondos de Capital Risco e unha sociedade de capital risco.

III. Que a FUNDACIÓN CEL é unha entidade sen ánimo de lucro creada no ano 1997 no seo da Confederación de Empresarios de Lugo, rexida pola Lei 12/2006, do 1 de decembro, de fundacións de interese galego e polos seus estatutos, con ámbito de actuación autonómico e preferente na provincia de Lugo, que por vontade das súas entidades fundadoras ten afectado de modo duradeiro o seu patrimonio á realización de fins de interese xeral. O seu obxectivo fundamental é o fomento do espírito emprendedor, apoiando proxectos empresariais desde os seus inicios ata a súa consolidación e facilitando o seu labor aos mozos emprendedores nos seus primeiros pasos.

Para a consecución do seu fin primordial e obxectivos conexos, reflectidos todos eles no artigo 5º dos seus Estatutos (impulso de iniciativas empresariais, apoio e asesoramento a potenciais empresarios, impulso de iniciativas en materia de I+D+i, de internacionalización, de mellora da competitividade a través da innovación, promoción de uso das NNTIC nas empresas galegas, con especial atención a emprendedores e empresas de nova creación), a FUNDACIÓN CEL agrupa a diferentes organizacións empresariais, entidades mercantís, e empresarios individuais especialmente vinculados á provincia de Lugo, colaborando así mesmo coas diferentes administracións públicas e outros entes do sector público e privado, co obxecto de fomentar e promover a través da Fundación investimentos, así como calquera iniciativa para a promoción e desenvolvemento da Comunidade Autónoma (preferentemente da provincia de Lugo), poñendo en marcha, coordinando e asesorando tales actuacións.

Cabe sinalar finalmente que a FUNDACIÓN CEL ten recoñecida pola Consellería de Economía, Emprego e Industria a declaración de interese galego, atopándose baixo o Protectorado de tal Consellería e figura clasificada adicionalmente como de interese industrial, estando rexistrada no Rexistro Xeral de Fundacións de Interese Galego co número de rexistro 1997/5.

IV. Que o CTAG é unha entidade privada sen ánimo de lucro cuxo fin consiste en contribuír ao fortalecemento, crecemento e mellora da competitividade da industria da automoción de Galicia mediante a promoción e prestación de servizos de formación, información e asesoramento especialmente orientado á innovación, investigación e o desenvolvemento tecnolóxico.



V. Así mesmo, como organismo de investigación, CTAG realiza un labor activo de transferencia de tecnoloxía a outros sectores, como é o caso do sector aeronáutico, participando en proxectos colaborativos a nivel galego ou europeo.

VI. Que Indra é unha entidade privada, das principais compañías globais de tecnoloxía e consultoría e o socio tecnolóxico para as operacións cruce dos negocios dos seus clientes en todo o mundo. É un proveedor líder mundial de solucións propias en segmentos específicos dos mercados de Transporte e Defensa, e a empresa líder en Tecnoloxías da Información en España e Latinoamérica. Dispón dunha oferta integral de solucións propias e servizos avanzados e de alto valor engadido en tecnoloxía, que combina cunha cultura única de fiabilidade, flexibilidade e adaptación ás necesidades dos seus clientes.

VII. Que BABCOCK é unha entidade privada, proveedor líder de servizos aéreos de emerxencias e mantemento de aeronaves para operacións de misións críticas, como servizos de emerxencias médicas, protección civil, procura e rescate en montaña e mar, vixilancia costeira e pesqueira, loita contra incendios, traballos aéreos, adestramento e mantemento de aeronaves.

VIII. Que a Xunta de Galicia aposta polo emprendemento e a innovación como vía para mellorar a calidade de vida dos cidadáns de Galicia, como panca de eficiencia e de calidade da xestión autonómica, e como polo de xeración e atracción de actividades de alto valor engadido.

IX. Que o desenvolvemento dunha industria aeronáutica en Galicia é un obxectivo das políticas de innovación e industria da Xunta de Galicia e que por iso lanzou a iniciativa estratéxica coñecida como a Civil UAVs Initiative (CUI), dirixida a lograr a mellora da eficiencia e a eficacia nun amplo número de servizos e actividades que realiza o sector público galego mediante o emprego de aeronaves e vehículos mariños non tripulados.

4. Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convencional.

5. As actividades obxecto do presente convenio contan cun orzamento de 750.000 € segundo as anualidades e importes máximos seguintes:

Aplicación orzamentaria	Anualidade		
	2019	2020	2021
09.A3.561A.770.0	150.000 €	300.000 €	300.000 €
Total	750.000 €		



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asino esta memoria, en Santiago de Compostela

A directora da Axencia Galega de Innovación

Patricia Argerey Vilar

